



অবিলম্বে প্রকাশের উদ্দেশ্যে: 5/15/2023

গভর্নর ক্যাথি হোকল

গভর্নর হোকল আঞ্চলিক অর্থনৈতিক বিকাশ পরিষদ উদ্যোগের রাউন্ড XIII শুরু
ঘোষণা করলেন

নিউ ইয়র্ক স্টেটের একত্রিত তহবিল আবেদন এখন 30টি কর্মসূচির উপলভ্য তহবিলের
জন্য খুলে দেওয়া হয়েছে

পরিষদগুলি আঞ্চলিক শক্তি ও অগ্রাধিকারের প্রতিফলন করে এমন কৌশলী
পরিকল্পনার আপডেট করবে

নতুন প্রতিযোগিতা তিনটি অঞ্চলকে স্টেটব্যাপী চ্যালেঞ্জের সৃজনশীল সমাধান
বাস্তবায়ন করার জন্য 10 মিলিয়ন মার্কিন ডলার করে প্রদান করবে

নতুন ক্ষুদ্র কর্মসূচি ক্র্যাফট পানীয় প্রস্তুতকারক ও অলাভজনক সংগঠনকে মূলধন
অনুদান প্রদান করবে

গভর্নর হোকল আজকে আঞ্চলিক অর্থনৈতিক বিকাশ পরিষদ (Regional Economic Development Council, REDC) উদ্যোগের রাউন্ড XIII শুরু হওয়ার ঘোষণা করলেন। রাউন্ড XIII এ রয়েছে 10টি এজেন্সির ব্যাপক ব্যাপ্তির কর্মসূচি যা সম্মিলিত হবে কেন্দ্রীয় মূলধন অনুদান ও কর ক্রেডিট তহবিলের সাথে, এর মধ্যে রয়েছে এম্পায়ার স্টেট ডেভেলপমেন্ট (Empire State Development, ESD) থেকে 150 মিলিয়ন মার্কিন ডলার অনুদান তহবিল যা ধারাবাহিক ভিত্তিতে প্রকল্পসমূহের জন্য উপলভ্য থাকবে। স্টেটের কৌশলী অগ্রাধিকার, যেমন সবুজ ভবন ও টেকসই নির্মাণকাজ, চাইল্ড কেয়ার, পীড়িত সম্প্রদায়সমূহ, এবং উদ্ভাবনী সরকারি-বেসরকারি অংশীদারিত্ব, ইত্যাদিকে অগ্রসর করা বা এর সমাধান করা প্রকল্পসমূহকে সমর্থন করার জন্য পরিষদসমূহকে উৎসাহিত করা যাচ্ছে; এই প্রকল্পসমূহ অতিরিক্ত অর্থের তহবিলের জন্য উপযুক্ত হবে। এই বছর নতুন দুইটি ক্ষুদ্র কর্মসূচি নিউ ইয়র্ক স্টেটের ক্র্যাফট পানীয় প্রস্তুতকারক ও অলাভজনক সংগঠনসমূহকে সমর্থন করার জন্য মূলধন অনুদান প্রদান করবে, এবং অর্থনৈতিক প্রবৃদ্ধির অটল প্রতিবন্ধকতা দূর করতে সৃজনশীল সমাধান বাস্তবায়ন করার জন্য একটি নতুন 30 মিলিয়ন মার্কিন ডলার চ্যালেঞ্জ প্রতিযোগিতা তিনটি অঞ্চলকে 10 মিলিয়ন মার্কিন ডলার করে প্রদান করবে। এছাড়াও 2015 সালের পর প্রথমবারের মতো পরিষদগুলিকে তাদের কৌশলী আঞ্চলিক অর্থনৈতিক বিকাশ পরিকল্পনা আপডেট করতে বলা হবে।

"আমাদের আঞ্চলিক অর্থনৈতিক বিকাশ পরিষদ উদ্যোগ স্টেটব্যাপী সম্প্রদায়সমূহের রূপান্তর, কর্মসংস্থান সৃষ্টি এবং গোটা নিউ ইয়র্কে বেসরকারি বিনিয়োগ নিয়ে আসা অব্যাহত রেখেছে" **গভর্নর হোকল বলেন।** "টেকসই নির্মাণকাজ থেকে শুরু করে চাইল্ডকেয়ারের ক্রমবর্ধমান চাহিদা পর্যন্ত আমাদের সর্বাধিক প্রয়োজনীয় অর্থনৈতিক অগ্রাধিকার সমাধান এবং একইসাথে আঞ্চলিক শক্তি ব্যবহার করার জন্য সম্প্রদায়সমূহের ক্ষমতায়নের জন্য স্টেটের প্রয়াসের অনুবর্তী হলো সর্বশেষ রাউন্ডের এই সূচনা। REDCগুলি যে কাজ করছে তার সুবাদে নিউ ইয়র্ক আমাদের স্টেটের প্রতিটি কোণায় অর্থনৈতিক প্রবৃদ্ধির এবং ধারাবাহিক সাফল্যের বিকাশ করে এমন অনুঘটক বিনিয়োগ করে যেতে পারছে।"

"আঞ্চলিক অর্থনৈতিক বিকাশ পরিষদ উদ্যোগের পরবর্তী রাউন্ডের নেতৃত্ব দিতে পেরে এবং প্রবৃদ্ধির জন্য প্রতি অঞ্চলের অগ্রাধিকারকে পুনরায় প্রতিষ্ঠা করবে এমন পথে অগ্রসর হওয়ার নির্দেশনা দিতে পেরে আমি গর্বিত," **বলেন লেফটেন্যান্ট গভর্নর অ্যান্টনিও ডেলগাডো।** "সমন্বয় এবং সহযোগিতার মাধ্যমে আমরা মুখ্য শিল্পখাত অগ্রসর করার, আঞ্চলিক চাহিদা পূরণ করে এবং প্রত্যেক অঞ্চলের ভবিষ্যতের জন্য তাদের অর্থনৈতিক ভিশনকে উন্নত করে এমন প্রকল্প অগ্রসর করার সুযোগসমূহকে চিহ্নিত করবো।"

এম্পায়ার স্টেট ডেভেলপমেন্টের প্রেসিডেন্ট, প্রধান নির্বাহী কর্মকর্তা এবং কমিশনার হোপ নাইট বলেন, "আঞ্চলিক অর্থনৈতিক বিকাশ পরিষদ উদ্যোগ নিউ ইয়র্ক স্টেটের অর্থনৈতিক প্রবৃদ্ধির জন্য একটি সফল মডেল হিসেবে কাজ করছে, এবং গভর্নর হোকলের নেতৃত্বে আমাদের বহু সাফল্যকে সম্প্রসারিত করবে এবং মুখ্য কর্মসূচিসমূহের উন্নয়ন ও অগ্রসর করার কাজ আমাদেরকে প্রদান করা হয়েছে। প্রত্যেক অঞ্চল প্রবৃদ্ধির জন্য নিজেদের অগ্রাধিকার পুনরায় প্রতিষ্ঠা করার জন্য তাদের কৌশলী পরিকল্পনা আপডেট করবে, সংস্থান প্রয়োগের নির্দেশনা দান অব্যাহত রাখবে, এবং প্রত্যেক অঞ্চলের ভবিষ্যতের অর্থনৈতিক ভিশনের জন্য একটি সংশোধিত রোডম্যাপ তৈরি করবে।"

আঞ্চলিক কৌশলী পরিকল্পনা প্রক্রিয়ার আপডেট

10টি REDC তাদের আঞ্চলিক কৌশলী অর্থনৈতিক বিকাশ পরিকল্পনা দ্বারা নির্দেশিত হয়, যা প্রত্যেক অঞ্চলের অনন্য সম্পদকে গুরুত্বদান করে এবং আঞ্চলিক অর্থনৈতিক বিকাশকে উদ্দীপিত করতে এবং স্টেটব্যাপী চাকরি তৈরি করতে স্থানীয় সংস্থান কাজে লাগানোর কৌশল প্রদান করে। এই বছর, আঞ্চলিক পরিষদগুলি প্রবৃদ্ধির জন্য প্রত্যেক অঞ্চলের অগ্রাধিকার পুনরায় প্রতিষ্ঠা করার জন্য তাদের পরিকল্পনা আপডেট করবে, সংস্থান প্রয়োগের নির্দেশনা দান করবে, এবং তাদের অর্থনৈতিক ভিশন অর্জনের জন্য একটি সংশোধিত রোডম্যাপ তৈরি করবে।

সংশোধিত আঞ্চলিক পরিকল্পনার অংশ হিসেবে, পরিষদগুলিকে অর্থনৈতিক প্রবৃদ্ধির ক্ষেত্রে নির্দিষ্ট সমস্যাগুলির বিশ্লেষণ করতে বলা হবে। প্রত্যেক REDC একটি প্রস্তাবনা তৈরি করবে যা তাদের ইচ্ছা অনুযায়ী একটি নির্দিষ্ট সমস্যার সৃজনশীল ও উদ্ভাবনী সমাধানের রূপরেখা প্রদান করবে। স্টেট এই প্রস্তাবনাগুলি পর্যালোচনা করে দেখবে এবং তিনটি বিজয়ী প্রস্তাবনাকে প্রস্তাবিত সমাধান বাস্তবায়ন করার জন্য 10 মিলিয়ন মার্কিন ডলার পর্যন্ত অর্থ প্রদান করা হবে।

কনসোলিডেটেড ফান্ডিং এর আবেদন

স্টেটের সংস্থানসমূহ, যার মধ্যে বহু এজেন্সির কর্মসূচি রয়েছে, তার জন্য স্টেটের একক আবেদনপত্র, একত্রিত তহবিল আবেদনের (Consolidated Funding Application, CFA) মাধ্যমে জমা করা প্রকল্পসমূহকে আঞ্চলিক পরিষদগুলি নম্বর প্রদান করবে। অনুদান তহবিলের এবং কয়েক ডজন বিদ্যমান প্রোগ্রাম থেকে ট্যাক্স ক্রেডিটের একটি সম্মিলিত পুলের ত্বরান্বিত এবং সুবিন্যস্ত অ্যাক্সেস প্রকল্পের আবেদনকারীদের প্রদান করার জন্য এটি প্রস্তুত করা হয়েছে। এই বছর 30টি কর্মসূচির জন্য 10টি স্টেট এজেন্সির তহবিল উপলভ্য আছে। আঞ্চলিক পরিষদসমূহ প্রকল্পের পর্যালোচনা করতে এবং প্রকল্পটি অঞ্চলের লক্ষ্য ও কৌশলের সাথে কতটা সামঞ্জস্যপূর্ণ তার ভিত্তিতে প্রকল্পকে নম্বর প্রদান করতে পারবে।

রাউন্ড XIII এ ESD দুইটি নতুন ক্ষুদ্র উদ্যান কর্মসূচি শুরু করেছে: ক্র্যাফট পানীয় ক্ষুদ্র অনুদান কর্মসূচি (Craft Beverage Micro Grant Program) এবং অলাভজনক মূলধন অনুদান কর্মসূচি (Not-for-Profit Capital Grant Program)। নিউ ইয়র্ক স্টেটে ওয়াইন, বিয়ার, স্পিরিট, হার্ড সাইডার এবং মিড উৎপাদনের জন্য লাইসেন্সকৃত ব্যবসার উৎপাদনের ধারণক্ষমতা, ব্যবসার অবকাঠামো এবং লাভ করার ক্ষমতা বৃদ্ধি করার জন্য নকশাকৃত ক্র্যাফট পানীয় ক্ষুদ্র অনুদান কর্মসূচির মাধ্যমে 5 মিলিয়ন মার্কিন ডলার পর্যন্ত উপলভ্য থাকবে। 25,000 মার্কিন ডলার থেকে 50,000 মার্কিন ডলার পর্যন্ত অনুদান সরঞ্জাম ক্রয় ও ফ্যাসিলিটির হালনাগাদকরণ সমর্থন করবে।

অলাভজনক মূলধন অনুদান কর্মসূচির মাধ্যমে 5 মিলিয়ন মার্কিন ডলার পর্যন্ত উপলভ্য থাকবে যা নিজেদের অঞ্চলে অর্থনৈতিক ও সম্প্রদায়ের সুবিধা প্রদান করে এমন অলাভজনক সংগঠনসমূহকে ফ্যাসিলিটির উন্নয়ন ও হালনাগাদকরণে সহায়তার জন্য ম্যাচিং তহবিল অনুদান প্রদান করবে। প্রদত্ত অনুদানের ব্যাপ্তি হবে 25,000 মার্কিন ডলার থেকে 100,000 মার্কিন ডলার পর্যন্ত

2023 REDC গাইডবুক এবং REDC সদস্যদের জন্য উপলভ্য অতিরিক্ত সংস্থানের একটি তালিকা পাওয়া যাবে [এখানে](#)। CFA উপলভ্য আছে [এখানে](#); আবেদনের শেষ সময় হলো 28 জুলাই, শুক্রবার, বিকাল 4টা। উন্মুক্ত নাম লেখানোর কর্মসূচিগুলি 28 জুলাইয়ের শেষ তারিখের আওতাধীন হবে না এবং তহবিল শেষ হওয়ার আগ পর্যন্ত চলমান ভিত্তিতে আবেদন গ্রহণ করতে থাকবে।

REDC প্রক্রিয়া স্থানীয় অর্থনৈতিক চাহিদা পূরণ করে এমন কৌশলগত পরিকল্পনা এবং তহবিলের অগ্রাধিকার বিকাশ করার জন্য আঞ্চলিক স্টেকহোল্ডারদের সমর্থন ও ক্ষমতায়ন অব্যাহত রাখে। আজ পর্যন্ত, REDC ইনিশিয়েটিভের মাধ্যমে, প্রতিটি অঞ্চলের কৌশলগত পরিকল্পনার সাথে সামঞ্জস্যপূর্ণ 9,500টিরও বেশি কর্মসংস্থান সৃষ্টি এবং সম্প্রদায় উন্নয়ন প্রকল্পে 7.7 বিলিয়ন ডলারেরও বেশি অর্থ প্রদান করা হয়েছে।

একত্রিত তহবিল আবেদন সম্পর্কে

অনুদানের জন্য আবেদনের প্রক্রিয়াকে সহজতর ও ত্বরান্বিত করার উদ্দেশ্যে কনসোলিডেটেড ফান্ডিং এর আবেদন তৈরি করা হয়েছে। CFA প্রক্রিয়া স্টেটের সংস্থানগুলো বরাদ্দ হওয়ার উপায়ে একটি মৌলিক পরিবর্তন এনে দিয়েছে, যা স্থানীয় অর্থনৈতিক উন্নয়নের চাহিদাগুলো

পূরণে অপেক্ষাকৃত কম আমলাতান্ত্রিক জটিলতা ও অধিকতর কার্যক্ষমতা নিশ্চিত করেছে। CFA অর্থনৈতিক উন্নয়ন তহবিলের একক-এন্ট্রি পয়েন্ট হিসেবে কাজ করে, যা আবেদনকারীদের যাতে কোনো সমন্বয় পদ্ধতি ব্যতীত একাধিক সংস্থা ও উৎসের মধ্যে ধীরে ধীরে নেভিগেট করতে না হয় সেটা নিশ্চিত করে। এখন, অর্থনৈতিক উন্নয়ন প্রকল্পগুলো একটি আবেদনের মাধ্যমে একাধিক স্টেট তহবিলের উৎস অ্যাক্সেস করার জন্য CFA-কে একটি সাপোর্ট মেকানিজম হিসেবে ব্যবহার করে থাকে, যা প্রক্রিয়াটিকে আরো বেশি দ্রুত, সহজতর, ও আরো বেশি উৎপাদনমুখী করেছে। CFA সম্পর্কে আরও জানুন [এখানে](#)।

আঞ্চলিক অর্থনৈতিক উন্নয়ন কাউন্সিল সম্পর্কে

আঞ্চলিক অর্থনৈতিক উন্নয়ন কাউন্সিল উদ্যোগ স্টেটের বিনিয়োগ ও অর্থনৈতিক উন্নয়নের জন্য স্টেটের প্রচেষ্টার একটি গুরুত্বপূর্ণ উপাদান। 2011 সালে, স্ব স্ব অঞ্চলের অর্থনৈতিক সমৃদ্ধির জন্য দীর্ঘমেয়াদী কৌশলগত পরিকল্পনা প্রণয়নের উদ্দেশ্যে 10টি আঞ্চলিক কাউন্সিল প্রতিষ্ঠা করা হয়। কাউন্সিলগুলি স্থানীয় বিশেষজ্ঞ এবং স্টেকহোল্ডারদের ব্যবসা, একাডেমী, স্থানীয় সরকার এবং বেসরকারি সংস্থাগুলির দ্বারা গঠিত ব্যক্তিগত অংশীদারিত্ব। আঞ্চলিক কাউন্সিলগুলি একটি গোষ্ঠী ভিত্তিক, সর্বনিম্ন পদ্ধতির অবস্থান এবং রাষ্ট্রীয় সম্পদগুলির জন্য প্রতিযোগিতামূলক প্রক্রিয়া স্থাপন করে নিউ ইয়র্কের চাকরি এবং অর্থনৈতিক প্রবৃদ্ধির পথে বিনিয়োগের পথকে পুনরায় সংজ্ঞায়িত করেছে। regionalcouncils.ny.gov এ আরো জানুন।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)